



সাংবাদিক ইলিয়াস হোসেনের ফেসবুক অ্যাকাউন্ট বন্ধ করে দিয়েছে মেটা



সংগৃহীত ছবি

ফেসবুকে উসকানিমূলক পোস্ট দেওয়ার পর সাংবাদিক ও অনলাইন অ্যাক্টিভিস্ট ইলিয়াস হোসেনের ফেসবুক অ্যাকাউন্ট সরিয়ে দিয়েছে মেটা। তার অ্যাকাউন্টে ২২ লাখ ফলোয়ার ছিল এবং শুক্রবার রাত থেকে এটি দেখা যাচ্ছে না।

২০ ডিসেম্বর (শুক্রবার) রাত থেকে তার ফেসবুক অ্যাকাউন্ট খুঁজে পাওয়া যাচ্ছে না।

গত বৃহস্পতিবার রাতে, ইনকিলাব মঞ্চের মুখপাত্র ওসমান হাদির মৃত্যুর পর ইলিয়াস হোসেনের ফেসবুক থেকে প্রথম আলো ও ডেইলি স্টারে হামলার জন্য উসকানিমূলক একাধিক পোস্ট করা হয়। এর পরবর্তী সময়ে ওই দুটি প্রতিষ্ঠানে ভাঙচুর এবং অগ্নিসংযোগের ঘটনা ঘটে।

এ ঘটনায় বিভিন্ন গণমাধ্যমে খবর প্রকাশিত হয়, যেখানে বলা হয়েছে, মেটা ইলিয়াস হোসেনের ফেসবুক অ্যাকাউন্ট বন্ধ করে দিয়েছে। Centraist Nation Tv তাদের ফেসবুক পোস্টে জানিয়েছে, ইলিয়াসের অ্যাকাউন্টে ২ মিলিয়ন ফলোয়ার ছিল এবং সেটি এখন দেখা যাচ্ছে না। আর অন্য একটি গণমাধ্যম জানিয়েছে, ইলিয়াসের ফেসবুক পেজের প্রায় ২২ লাখ অনুসারীও এখন অ্যাক্সেস করা যাচ্ছে না।

মেটার পক্ষ থেকে এই অ্যাকাউন্ট বন্ধ করার কারণ এখনো স্পষ্ট নয়, তবে এটি ফেসবুকে উসকানিমূলক ও সহিংসতা সৃষ্টি করতে উৎসাহিত করা পোস্টের কারণে বন্ধ করা হতে পারে।